

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

383

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

17-07-2021

Broj: 14-02-04-03014/20
Sarajevo, Februar 16. 2021. godine

15 04 2020-74-528

SKUPŠTINA KANTONA SARAJEVO
(Na pažnju, predsjedavajućeg Elvedina Okerića)

120

PREDMET: *Odgovor na zastupničku inicijativu broj:01-04-20702-74/20 od 22.06.2020 godine koja je pokrenuta od strane zastupnice Neire Dizdarević, dostavlja se;*

VEZA: *Zastupnička inicijativa broj: 01-04-20702-74/20 od 22.06.2020 godine*

Vašim aktom broj i datum veze, zaprimljen dana 08.07.2020.godine dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničku inicijativu koju je pokrenula zastupnica Neira Dizdarević na 26. Radnoj sjednici Skupštine Kantona Sarajevo, održanoj dana 16.06.2020. godine, koja glasi:

"Na osnovu člana 106. i 213. Poslovnika Skupštine Kantona Sarajevo (Službene novine Kantona Sarajevo – Drugi novi prečišćeni tekst br.: 4/12, 15/13, 47/13, 47/15 i 48/16) upućujem Zastupničku inicijativu Ministarstvu prostornog uređenja, građenja i zaštite okoliša i Kantonalnoj upravi za inspekcijske poslove:

Podnosim inicijativu gore pomenutim javnim organima da izvrše nadzor nad radom predstavnika etažnih vlasnika i upravitelja EPISMONT doo na adresi Geteova 13.

Zgrada je imala na računu 01.01.2019. godine 9.690,90 KM, da bi na kraju godine tačnije na dan 31.12.2019. imala -2.306,23 KM.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Molim Ministarstvo i KUIP da svako iz svoje nadležnosti utvrdi zbog čega je nastao minus od čak 11.996,83 KM na računu zgrade.

Molim da se prilikom nadzora poduzmu sljedeće radnje:

1. Provjeri da li su godišnjim planom predviđeni rashodi od 11.996,83 KM shodno članu 41, 45. Zakona o upravljanju zajedničkim dijelovima zgrade (Sl. novine KS 19/17), da li su etažni vlasnici pozvani i održali sastanak na kome su donijeli odluku o utrošku sredstava od 11 hiljada KM shodno članu 50. Zakona, te molimo Ministarstvo da mi dostavi kopiju godišnjeg plana za 2019. godinu, te zapisnik o usvajanju godišnjeg plana za 2019. godinu od strane etažnih vlasnika
2. Provjeriti ugovor o keramičarskim radovima sa firmom ASG Enterier doo za koje je utrošeno 4574,50 KM sa računa zgrade, molimo da se dostavi kopija ugovora, kao i odluka etažnih vlasnikaza te radove
3. Provjeriti stavku 40 u godišnjem izvještaju „Nabavka sitnog potrošnog materijala i alata za čišćenje i održavanje“ te ugovor sa Tehna doo broj 157/19 u iznosu od 3432,12 KM, te molim kopiju odluke etažnih vlasnika za ovaj rashod
4. Provjeriti stavku rashoda za redovni mjesečni servis lifta iz kojeg je vidljivo da u januaru, martu i avgustu 2019. godine nije bilo rashoda za mjesečni servis lifta, da li se redovni servis vršio?
5. Prema izvještaju za 2019. upravnik nije izvršio redovni mjesečni spregled lifta, te molim da se ovo provjeri
6. Prema izvještaju zgrada ima osiguranje, molim da se provjeri da li postoji zapisnik u kojem etažni vlasnici daju saglasnost na zaključivanje takvog ugovora, te molim da mi se dostavi kopija zapisnika, te kopija samog ugovora o osiguranju za pomenutu adresu
7. Za sve utvrđene nepravilnosti molim ds se poduzmu sve zakonom predviđene radnje."

Shodno zastupničkoj inicijativi dajemo sljedeći :

ODGOVOR:

Vežano za zastupničke inicijative koje se dostavljaju paralelno Ministarstvo prostornog uređenja građenja i zaštite okoliša Kantona Sarajevo i Kantonalnoj upravi za inspeksijske poslove, te uzimajući činjenicu da Zakonom o upravljanju zajedničkim dijelovima zgrade ("Službene novine Kantona Sarajevo br. 19/17 i 17/18) nisu jasno razgraničene nadležnosti između ova dva organa, te da su po istom osnovu postupali Ministarstvo i Inspekcija u stambenoj oblasti, dana 02. i 05.06.2020. godine održan je sastanak između predstavnika Ministarstva, Sektor za upravljanje i realizaciju projekata i nadzor u stambenoj oblasti i Kantonalne uprave za inspeksijske poslove. Na održanim sastancima je dogovoreno da radi ekenomičnosti postupka po zastupničkim inicijativama, prvo Ministarstvo izvrši nadzor u skladu članom 67. stav 1. tačke b.,c., d. i e. Zakona o upravljanju zajedničkim dijelovima zgrade ("Službene novine Kantona Sarajevo br. 19/17 i 17/18), kojim su propisana prava i dužnosti Ministarstva u vršenju nadzora: da prati zakonitost rada subjekta nadzora, pismeno upozori i naloži mjere za otklanjanje nezakonitog rada subjektu nadzora, od subjekta nadzora i drugih subjekata čije su obaveze propisane ovim



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Zakonom traži dostavu dokumentacije i podataka koji su značajni za vršenje nadzora, te potom dostavi inspekciji u stambenoj oblasti informaciju i eventualno zahtjeve za inspeksijske nadzore.

Shodno prednjem Ministarstvo prostornog uređenja građenja i zaštite okoliša Kantona Sarajevo je izvršilo nadzor nad radom upravnika "EPISMONT" d.o.o. i PEV-a Osmić Aide. Inspeksijski nadzor nad Ramić Jasminom koji je bio PEV u zgradi na adresi Geteova br. 13 u 2019. godini nije proveden iz razloga što je isti preminuo. Shodno provedenom postupku i konstatovanim činjeničnim stanjem, Ministarstvo je Inspekciji u stambenoj oblasti uputilo zahtjev za provođenje inspeksijskog nadzora nad radom upravnika "EPISMONT" d.o.o., na okolnosti izvršavanja obaveza upravnika u zgradi na adresi Geteova br. 13. u skladu sa odredbama članova 41. stav 1. tačka k), 45, 47 54. 41. stav 1. tačka o), i 29. stav 2. tačke k) i m) u vezi sa članom 41. stav 1. tačka d). Zakona o upravljanju zajedničkim dijelovima zgrade ("Službene novine Kantona Sarajevo" br. 19/17 i 17/18).

Na osnovu dostavljenog zahtjeva i materijalnih dokaza od strane Ministarstva, konstatovano je da je Osmić Aida, koja je PEV u zgradi na adresi Getova br. 13, od 01.08.2020. godine Ministarstvu dostavila akt od 24.09.2020. godine u kojem je navela da je PEV Ramić Jasmin preminuo u martu 2020. godine, te da Osmić Aidi nije predao dokumentaciju vezano za održavanje zajedničkih dijelova zgrade. Obzirom na činjenicu da je Ramić Jasmin preminuo, te samim tim izgubio svojstvo subjekta nadzora postupajući inspektor nije bio u mogućnosti izvršiti nadzor nad radom imenovanog.

Postupajući po zastupničkoj inicijativi i zahtjevu Ministarstva inspektor u stambenoj oblasti je pokrenuo po službenoj dužnosti postupak inspeksijskog nadzora nad radom upravnika "EPISMONT" d.o.o.

Tokom postupka inspeksijskog nadzora nad radom upravnika "EPISMONT" d.o.o. izvršen je uvid u dokumentaciju dostavljenu od strane Ministarstva, dokumentaciju predočenu od strane upravnika i sačinjen zapisnik br. UP-1-14-06/18-19.6-34259/20 od 21.12.2020. godine sa ovlaštenim licem upravnika Hota Ismetom.

Predmetnim zapisnikom je konstatovano sljedeće:

1. Uvidom u prijedlog godišnjeg plana održavanja zajedničkih dijelova zgrade za zgradu Geteova br. 13 za period od 01-12/2019 je konstatovano da je na istom naznačeno da je dostavljen PEV-u Ramić Jasminu, dana 24.11.2018. godine. Uvidom u sadržaj istog konstatovano je da je stanje sredstava na računu na početku perioda iznosilo 9.000,00 KM, da je upravnik za 2019. godinu, predvidio naplatu sredstava od naknade u iznosu od 21.000,00 KM, da su ukupno planirana sredstva za upravljanje u iznosu od 30.000,00 KM, te da su predviđeni rashodi u iznosu od 17.110,00 KM. Također je konstatovano da prijedlog plana ne sadrži tačne nazive propisa kojima je to regulisano, a koji se odnose na obaveznosti ispitivanja i servisiranja opreme uređaja i instalacija, a što nije u skladu sa članom 41. stav 1. tačka k) Zakona o upravljanju zajedničkim dijelovima zgrade. Nadalje je konstatovano da prijedlogom plana nisu predviđeni rashodi u iznosu od 4.574,70 KM za keramičarske i druge radove na završnim oblogama podova i zidova, kao ni nabavka sitnog potrošnog materijala u iznosu od 3.432,12 KM.

Obzirom na činjenicu da je je Ramić Jasmin preminuo, te samim tim izgubio svojstvo subjekta nadzora postupajući inspektor nije bio u mogućnosti utvrditi činjenično stanje da li su etažni



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

vlasnici donijeli odluku o utrošku sredstava u iznosu od 11,000,00 KM, odnosno da li je održan skup etažnih vlasnika radi usvajanja prijedloga godišnjeg plana održavanja i poboljšanja zajedničkih dijelova zgrade. Uvidom u Godišnji izvještaj o upravljanju i održavanju zajedničkih dijelova zgrade za period od 01.01.-31.12.2019. godine konstatovano je da je isti dostavljen PEV-u sa potpisom od 10.02.2020. godine.

Shodno odredbama člana 50. stav 7. i 8. Zakona o upravljanju zajedničkim dijelovima zgrade ("Službene novine Kantona Sarajevo br. 19/17 i 17/18). kojima je propisano: *"Skup etažnih vlasnika se održava po potrebi, a najmanje jednom godišnje u periodu do kraja marta i na njemu se vrši usvajanje godišnjeg plana održavanja i poboljšanja, kao i predvidivih troškova i finansijskog opterećenja zajedničkih dijelova zgrade za narednu godinu i godišnjeg izvještaja o upravljanju i održavanju zajedničkih dijelova zgrade. Ako etažni vlasnici ne održe skup etažnih vlasnika ili se ne izjasne na zapisnik prikupljanjem potpisa, u roku iz stava (7)ovog člana smatra se da je godišnji plan održavanja i poboljšanja zajedničkih dijelova zgrade i godišnji izvještaj o upravljanju i održavanju zajedničkih dijelova, koji je dostavio upravnik, usvojen."*

Uvidom u godišnji izvještaj o upravljanju zajedničkim dijelovima zgrade za 2019. godinu konstatovano je da su ukupno raspoloživa sredstva za održavanje zajedničkih dijelova zgrade u 2019. godini iznosila 31.222,24 KM, a da su rashodi iznosili 33.528,47 KM, te da je došlo do odstupanja u odnosu na prijedlog plana održavanja zajedničkih dijelova zgrade, a na osnovu odluke etažnih vlasnika koja je dostavljena upravniku od strane PEV-a.

Tokom postupka na osnovu izjave ovlaštenog lica upravnika je konstatovano da etažni vlasnici nisu na zapisnik izjavili primjedbe na prijedlog plana održavanja, kao ni na godišnji izvještaj o upravljanju zajedničkim dijelovima zgrade, te se samim tim shodno citiranim zakonskim odredbama smatra da su isti usvojeni.

2. i 3. Uvidom u Godišnji izvještaj o upravljanju i održavanju zajedničkih dijelova zgrade za period od 01.01.-31.12.2019. godine konstatovano je da je isti dostavljen PEV-u sa potpisom od 10.02.2020. godine. Uvidom u sadržaj istog konstatovano je da su pod stavkom 13 prikazani rashodi za keramičarske i druge radove na završnim oblogama podova i zidova, komitent ASG Enterier d.o.o. u iznosu od 4.574,70 KM, pod stavkom 40. nabavka sitnog potrošnog materijala i alata za čišćenje i održavanje, komitent TEHNA d.o.o. u iznosu od 3.432,00 KM i pod stavkom 47. osiguranje sa Grawe osigurnje br. police 1.902.243. u ukupnom iznosu od 451,04 KM. Uvidom u predračun br. pr.-20/19 od 28.01.2019. godine konstatovano je da se isti izdaje za izvođenje radova u haustoru, stambene zgrade, u ulici Geteova br. 13., ta da je iznos ponude 3.850,00 KM. Uvidom u zapisnik o odlučivanju etažnih vlasnika zgrade na adresi Geteova br. 13 prikupljanjem potpisa u periodu od 18.01.2019. do 21.01.2019. godine konstatovano je da su etažni vlasnici donosili odluke i to: saglasnost etažnih vlasnika za izvođenje keramičarskih radova po pred. br. pr-20/19 od 28.01.2019. godine od ASG ENTERIERI Sarajevo u iznosu od 3.850,00 KM (bez PDV-a) i saglasnost etažnih vlasnika za nabavku materijala potrebnog za izvođenje keramičarskih radova po ponudi 157/19 Inter tehna d.o.o. Sarajevo u iznosu od 2.917,43 KM.

Nadalje, konstatovano je da je prikupljanje potpisa vršeno u periodu od 18.01.2019.-21.01.2019. godine, a da je ponuda od 28.01.2019. godine, kao i da na predmetnom zapisniku nedostaju potpisi EV-1 i EV-2, već stoji samo potpis PEV-a Ramić Jasmin. Vezano za okolnosti neslaganja datuma, ovlašteno lice upravnika je dalo izjavu da "O načinu i vremenu prikupljanja potpisa od strane PEV-a, nemaju informacije."



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Nadalje, konstatovano je da je upravnik "Epismont" na iznos od 3.850,00 KM prilikom fakturisanja usluge po predmetnom predračunu ASG ENTERIERI Sarajevo (koji nije poreski obveznik), a obzirom da je upravnik poreski obveznik, fakturisao računom br. 1/78 prema ulazu i PDV u iznosu od 654,50 KM, a što je ukupno 4.504,50 KM, kao i da je dostavio račun PEV-u na osnovu saglasnosti na radni nalog od 31.01.2019. godine. Također je konstatovano da se stavka pod rednim brojem 13 Godišnjeg izvještaja sastoji od prethodnih troškova, kao i troškova po radnom nalogu od 10.05.2019. godine u iznosu od 70,20 KM za nabavku materijala, te postavljanje pločica prilikom identifikacije i popravke kvara na instalacijama, koje naloge je potpisao PEV, a što ukupno iznosi 4.574,50 KM. Vezano za okolnosti obračuna PDV-a na ispostavljeni račun ovlašteno lice upravnika je dalo izjavu da " fakture prema etažnim vlasnicima ispostavlja upravnik koji je PDV obveznik i prema konsultacijama sa službama Uprave za indirektno oporezivanje, obavezno je obračunati PDV i na radove koje je izveo podizvođač koji nije PDV obveznik."

Uvidom u informaciju upravnika "Epismont" d.o.o. br. 206/20 od 21.08.2020. godine, ponudu br. 157/19 od 23.01.2019. godine, odnosno račun br. 76/19 od 30.01.2020. godine Intertehna d.o.o. na iznos od 2.917,43 KM, rn. Intertehna d.o.o. br. 41058 od 11.02.2019. godine na iznos 17,28 KM, rn. Penny plus d.o.o. br. 47520 na iznos od 34,60 KM, rn. Adazal d.o.o. 19-3002-1030 od 16.12.2019. godine na iznos od 257,24 KM, radni nalog br. 1-378/19 od 12.12.2019. godine na iznos od 29,40 KM, račun upravnika br. 1/2504 pod rednim brojem 8 na iznos od 169,15 KM i radni nalog upravnika br. 3-99/19 od 07.08.2019. godine konstatovano je da se stavka pod rednim brojem 40 godišnjeg izvještaja sastoji od prethodnih stavki čiji ukupni iznos je 3.432,12 KM.

Uvidom u račun upravnika br. 1/2054 od 31.07.2020. godine konstatovano je da je isti prema ulazu Geteova br. 13 pod red br. 8 za nabavku sitnog materijala i alata za čišćenje fakturisan u iznosu od 144,57 KM uvećan za PDV u iznosu od 24,58 KM. Uvidom u račun Adazal d.o.o. konstatovano je da je isti prema upravniku fakturisan u iznosu od 144, 57 KM sa popustom u iznosu od 4,34 KM i uvećan za PDV u iznosu od 23,84 KM. Što ukupno iznosi 164,08 KM.

Shodno prednjem konstatovano je da je upravnik prilikom nabavke robe od privrednog društva Adazal d.o.o. fakturisaio prema ulazu Geteova 13 i zadržao ugovoreni rabat što sa PDV-om iznosi 5,07 KM, te da nije angažovao podizvođača za izvođenje radova u skladu sa članom 47. Zakona o upravljanju zajedničkim dijelovima zgrade.

Tokom nadzora od prisutnog je zatraženo obrazloženje za fakturisanje računa Intertehna d.o.o. br. 41058 od 11.02.2019. godine u iznosu od 14,40 i računa 47520 Penny plus d.o.o. u iznosu od 34,60 KM, te dokazi da se isti odnose na zgradu Geteova 13 i dokaz da je PEV potpisao radni nalog upravniku za predmetne troškove, te dokaz da je upravnik ispostavio račun PEV-u za predmetne račune odnosno usluge. Ovlašteno lice upravnika je dalo izjavu: "da je PEV izvršio nabavku materijala i platio gotovinom, potom je došao u sjedište upravnika, prezentirao račune, nakon čega su isti provedeni kroz blagajnu i izvršena je nadoknada plaćenih računa, a što je PEV i potpisao na nalogu za isplatu , a što je provedeno i u dnevniku blagajne. Također PEV je potpisao i nalog od 12.02.2019. kao i na računu br. 1/412 od 28.02.2019. godine. Na osnovu prednjeg i dostavljenih materijalnih dokaza je konstatovano da su predmetni računi uključeni u račun br. 1/412 od 28.02.2019. godine koji je dostavljen PEV-u, te da je isti potpisao radni nalog od 12.02.2019. godine.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

4. i 5. Uvidom u Godišnji izvještaj za 2019. godinu za zgradu Geteova 13 i Informaciju upravnika br. 206/20 konstatovano je da upravnik nije vršio redovni mjesečni servis lifta u mjesecu januaru 2019. godine, kao ni godišnji tehnički pregled lifta sa izdavanjem upotrebne dozvole u 2019. godini, a koji je rađen dana 24.12.2018. godine. Vezano za okolnosti neizvršavanja obaveze mjesečnog i godišnjeg servisa lifta ovlašteno lice upravnika je dalo izjavu da: "mjesečni servis nije izvršio kooperant "Sarajevostan" d.o.o. iz nepoznatih razloga, te da je godišnji pregled lifta odložen zbog negativnog salda na računu zgrade zbog čega je u konsultaciji sa PEV-om naredni godišnji pregled izvršen u 2020. godini."

Na osnovu prednjeg je konstatovano da je navedeno postupanje upravnika u suprotnosti sa prijedlogom plana i članom 41. stav 1. tačka d), a u vezi sa članom 29. stav 2. tačke k) i m) i stavom 4. istog člana.

6. Uvidom u godišnji izvještaj konstatovano je da je pod stavkom 47 prikazan rashod za osiguranje kod osiguravajuće kuće Grawe osiguranje d.d. po polici br. 1.902.243 u iznosu od 541,04 KM. Uvidom u ponudu za preuzimanje rizika br. 361637 konstatovano je da je ugovarač osiguranja upravnik Epismont d.o.o.

Uvidom u ugovor o upravljanju zajedničkim dijelovima zgrade br. 12/18 od 08.01.2018. godine, koji je potpisan od strane upravnika "Epismont" d.o.o. i PEV-a Ramić Jasmina, odnosno član 21. konstatovano je da su etažni vlasnici ugovorili da su etažni vlasnici saglasni da upravnik ugovara osiguranje zajedničkih dijelova zgrade u ime i za račun etažnih vlasnika i to: osiguranje od požara i nekih drugih opasnosti, opasnosti od izliva vode iz vodovodnih, kanalizacionih i toplovodnih cijevi i osiguranje od opće odgovornosti za štete pričinjene trećim licima. Nadalje, uvidom u ugovor konstatovano je da je u članu 30. stav 2. navedeno da potpisivanjem ovog ugovora predstavnik etažnih vlasnika potvrđuje da je prethodno osigurao saglasnost etažnih vlasnika na njegov tekst u skladu sa čl. 25. stav 3. Zakona. Tokom postupka ovlašteno lice upravnika je dalo izjavu da mu nije poznata činjenica da li je PEV prethodno pribavio saglasnost na tekst ugovora između etažnih vlasnika i upravnika, ali smatra da je ugovorom preneseno pravo na upravnika za izbor osiguravajuće kuće i obim osiguranja zajedničkih dijelova zgrade.

Obzirom na činjenicu da je je Ramić Jasmin preminuo, te samim tim izgubio svojstvo subjekta nadzora postupajući inspektor nije bio u mogućnosti utvrditi činjenično stanje da li su etažni vlasnici donijeli odluku odnosno saglasnost na tekst Ugovora između etažnih vlasnika i upravnika.

Shodno prednjem konstatovano je da je ugovorom između etažnih vlasnika i upravnika preneseno pravo na upravnika za izbor obima osiguranja u skladu sa ugovorom, te da je u ugovoru navedena klauzula da je PEV osigurao saglasnost etažnih vlasnika na tekst ugovora, kao i da su prijedlogom plana održavanja zajedničkih dijelova zgrade predviđeni rashodi u iznosu od 460,00 KM za osiguranje.

Shodno utvrđenom činjeničnom stanju postupajući inspektor je djelovao pokretanjem prekršajnog postupka izdavanjem prekršajnog naloga, za počinjeni prekršaj u sticaju, upravniku "EPISMONT" d.o.o. i odgovornom licu upravnika u skladu sa članom 53. stav 1. Zakona o prekršajima Federacije BiH ("Službene novine Federacije BiH, br. 63/14).



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Napominjemo, da je o prednje navedenom obaviješteno Ministarstvo prostornog uređenja, građenja i zaštite okoliša Kantona Sarajevo aktom br. UP-1-14-06/18-19.6-34259/20 od 12.02.2021. godine.

S poštovanjem,



DIREKTOR

Mr. Fahir Halilović

Dostavlja se:

1. *Predsjedavajući Skupštine KS*
2. *Sekretar Skupštine KS*
3. *Sekretar Vlade KS*
4. *a/a*



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb